



## **TOSHKENT DAVLAT YURIDIK UNIVERSITETI REKTORINING B U Y R U G ' I**

20.11.2023

695-tm-son

### **Talabalarga hayfsan e'lon qilish to'g'risida**

Bugungi kunda universitetda yuqori malakali, zamonaviy yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda.

Jumladan, 2023-yil 8-9-noyabr kunlari Ommaviy huquq fakulteti tomonidan fakultet talabalari o'rtasida universitet Odob-axloq kodeksi normalari va Ichki tartib qoidalariga amal qilish holati o'rganilganda, Davlat-huquqiy faoliyat yo'nalishi 3-kurs talabalari Nishonboyev Samandar Davron o'g'li, Mirzayev Farruxjon Ne'matillo o'g'li, Reyimberdiyev Adhambek Adilbek o'g'li, Rahmatov Sardor Hamza o'g'li universitet hududida tamaki mahsuloti chekkanlik holati aniqlandi.

Talabalar S.Nishonboyev, F.Mirzayev, A.Reyimberdiyev, S.Rahmatov tomonidan ushbu holat bo'yicha tushuntirish xati olinganida, ular mazkur holatni tasdiqlab, qayta takrorlamasliklarini bayon etgan.

Talabalar S.Nishonboyev, F.Mirzayev, A.Reyimberdiyev, S.Rahmatov mazkur harakatlari bilan TDYU Odob-axloq kodeksi 17-moddasi to'qqizinchi xatboshisi (Universitet binolari va hovlisida, shuningdek, Universitet binolariga tutashgan hududda spirtli ichimliklar ichish va tamaki yoxud boshqa turdagi mahsulotlarni chekish hamda mast holda bo'lish qat'iyon taqiqlanadi) talabini buzgan.

Shu bilan birga, 2023-yil 20 va 25-oktabr kunlari fakultet Davlat va jamiyat boshqaruvi yo'nalishi 2-kurs talabasi Hamroyev Dilshodbek Istam o'g'li sochi o'sgan va soqoli olinmagan holda hamda Davlat-huquqiy faoliyat yo'nalishi 2-kurs talabasi Soibjonov Xojiakbar Baxodir o'g'li soqoli olinmagan holda universitetga kelganliklari aniqlandi.

Talaba D.Hamroyev tomonidan ushbu holat bo'yicha tushuntirish berish so'ralganda, u tushuntirish berishdan bosh tortdi hamda holat yuzasidan dalolatnoma tuzildi. Talaba X.Soibjonov tomonidan ushbu holat bo'yicha tushuntirish xati olinganida esa u mazkur holatni tasdiqlab, qayta takrorlamasligini

bayon etgan.

Talabalar D.Hamroyev va X.Soibjonov mazkur harakati bilan TDYU Odo-axloq kodeksi 12-moddasi beshinchi qismi (Xodimlar, talabalar va doktorantlarning tashqi qiyofasi va kiyimlari ozoda, pokiza hamda sochi tartibga solingan, soqoli olingan bo'lishi, ular sochlari noodatiy bir necha ranglarga bo'yalmagan va kiyinish talablariga rioya qilgan holda kelishi lozim) talablarini buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-bandi, universitet Odo-axloq kodeksi 12-moddasi beshinchi qismi, 17-moddasi to'qqizinchi xatboshisi hamda Toshkent davlat yuridik universiteti Ichki tartib qoidalari (ichki mehnat tartibi qoidalari)ning 83-bandiga asosan

### **BUYURAMAN:**

1. Universitet Ommaviy huquq fakulteti talabalari Nishonboyev Samandar Davron o'g'li, Mirzayev Farruxjon Ne'matillo o'g'li, Reyimberdiyev Adhambek Adilbek o'g'li, Rahmatov Sardor Hamza o'g'li, Hamroyev Dilshodbek Istam o'g'li, Soibjonov Xojiakbar Baxodir o'g'liga hayfsan intizomiy jazo chorasi qo'llanilsin.

2. Fakultet dekani (Sh.Saydullayev) mazkur buyruq bilan qo'llanilgan intizomiy jazo chorasini talabalar shaxsini sir saqlagan holda talabalar o'rtasida shu kabi holatlar takroran yuzaga kelmasligi, ularda dars mashg'ulotlari hamda professor-o'qituvchilarga bo'lgan hurmatni shakllantirish maqsadida barcha talabalar e'tiboriga yetkazish choralari ko'rsin.

3. Ommaviy huquq fakulteti dekani (Sh.Saydullayev):

mazkur holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'ma jildlariga buyruq nusxasi tikilishini ta'minlasin.

4. Mazkur buyruq ijrosining nazoratini o'z zimmamda qoldiraman.

**Yoshlar masalalari va  
ma'naviy-ma'rifiy ishlar  
bo'yicha birinchi prorektor**



**A.XASHIMHONOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

SH.SAYDULLAYEV

**Kelishildi:**

Direktor

SH.PO'LOTOV



Katta yuriskonsult

A.TURSUNOV

